

6 Toghsa ne ok neh skaghdekeh jodenghs, ji-niyugt ne ok ne onkwehhokon aondyakaweryendiyughse; ok denghnon kennem-yughdon, ji-niyugt ne shako-nhaseokon ne Keristus, eghnajer ji-nenthonikonghriyu ne Niyoh akwah seryaneh eghnentyawenne;

7 Ne sat nyuyanere ne seweyennendan ne nyayurih-hondane, ji-nonkadyh ne Royaner-neh, yaghdn ne ok ne onkweh-neh akenhhake:

8 Jaderyendarak ne ne ji ok naorihhoden nyuyanere eghnen-yeyere onghka ok ne onkweh ne shahhayadat t'kakonde enhhoye-na ne Royaner, ji ok nenhhayadodenh-hake dokat yaghdehhadadewenniyu doka denhens rada-dewenniyu.

9 Neony, Ise ne sewayadakwe-niyuse diseweronhha-tyese, ok ne shaoriwat ji-nensayeren ne ro-nonhhakeh, toghsa yetshikenghrenseronnyh ne yetshinhaseokon: jade-ryendare ony nise kenthenderon neghjhisewawenniyu karonghyakeh; yabhony ne raonhha thaondaghjhisewa-konnyenghste nethoh.

10 Yenkeyerine, dewadadekenhokonhah, sarighwagh-nironhak ne Royanertserakonh, nokhony sadewennodaghk ne raoshatsenghsara.

11 Yalightsa-aght sats't ne dehhennyadatstha ne Niyoh, ne ne aondon aesakwe-nyatserayendane daaghstatyeseke yaghtadayanikonghrakenny ne o-neghshonghro-non.

12 Ikenh yaghdey onkweryendiyughs ne ok ayonk-waghske-nhadon nowaghronneh ony o-nekwenghsa, nok denghnon dewadoryaghneronhaghs ne kayadakwe-niyo-shon, daedewaghjaren ne kashatstenghsaraokon, daede-waghjaren ne jaron tharighwakanonnyanyon ne raya-dakwe-niyu jityukaraonh ne jityukaraonh ne kenh yorghwenjade yuhhetkenhonh, daedewaghjaren onkwayadakaghdeh aonsondon ne karighwaneraaxhera aonsedewatharadade ne e-nekenghjy.

13 Ne kady wahhonny desadadeghkwakwekonh ne dehhennyadatstha ne Niyoh, dokat ne akarihhonny asatkweny asadenshenny wanen-yenwadeghniserihhewe ji-nadewadennonghyanighdane, nenkady ensaweyennendaonh neghyadenghstane akwekonh.